

Latit.
Gr. Scr.

Longit.
Gr. Scr.

20

INDEX GEOGRAPHICUS.

B.

31. 49. 66. 19.

Baala, urbs eadem, quæ & Cariath-Baal. i. urbs Baal, & Cariath-jea-
rim. i. urbs fylvarum. V. Cariath-Baal.

31. 20. 65. 20.

Baala mons in Tribu Iuda versus Ascalonem & Gazam. Et urbs Baala
five Bala, quæ primùm Tribus Judæ, posteaque Simeonis fuit, ubi Bala
quarta est inter tredecim urbes primæ partis hujus Tribus. Josue 19.v.3.
Baala scripta fuerat in Tribu Iuda, eidem Josue 15. v. 29.

32. 21. 66. 53.

Baalam, Geth-remmon. Varia five diversa sunt unius ejusdemque ur-
bis nomina. Baalam 1. Paralip. 6. v. 70. inter Levitarum urbes ex tribu
Manasse assumptas, scribitur. Eademque est Geth-remmon Jos. 21. v. 25.
etiam inter Levitarum urbes è Tribu Manasse excerptas, & Levitis è fa-
milia Caath concessas. Vid. Animadv.

32. 6. 66. 59.

Baal-berith. Fanum Baal non longè ab urbe Sichem in monte posi-
tum, & ex quo ceperunt Sichimitæ, & dederunt septuaginta pondo argenti
Regi suo Abimelech, qui fratres suos septuaginta occiderat. Jud. 9.

33. 32. 67. 14.

Baal-gad Josue 11. v. 17. Et partem montis Seir, usque Baalgad, per
plamiciem Libani, subter montem Hermon. Omnes Reges eorum cepit,
percussit, & occidit (Josue) non quod Baalgad sit subter montem Hermon,
sed quod à monte Seir ad Baalgad Terræ promissæ tractus sit, qui ab ex-
tremis partibus Orientis ad Occidentem & Mare magnum demonstratur.
Sic & 12. v. 7. à Baalgad in campo Libani, usque montem, cujus pars
ascendit in Seir. Et iterum 13. v. 5. Libani regio contra Orientem & Baal-
gad sub monte Hermon, donec ingrediaris Emath.

31. 51. 67. 6.

Baal-hafor, Baalafor, locus, in quo tondebantur Absalonis oves: quo
cum ad convivium evocasset omnes fratres suos filios Regis. Absalon
fratrem suum Ammon jam temulentum occidi jussit, quod biennio an-
te sororem suam Thamar violasset 2. Reg. 13. Locus putatur juxta E-
phraïm five Ephrem, nec longè à monte Ephraïm.

33. 27. 68. 9.

Baal-Hermon mons, & procul dubiò Templum Baal in monte Her-
mon. Judic. 3. v. 3.

31. 34. 67. 39.

Baal-maon, Baal-meon, Beon. M mutata in B. Numer. 32. v. 37. &
38. Filii Ruben ædificaverunt Hesebon. . . & Nabo, & Baalmeon. Dixerat
paulò ante eod. cap. v. 3. & Nebo, & Beon. Josue 13. v. 17. in Tribu Ruben
scripsit Baalmaon. 1. Paralip. 3. v. 8. Nebo, & Baalmeon. Sic & Ezech.
25. v. 9. Nobis idem est Baal-maon, Baal-meon & Beon.

31. 52. 66. 42.

Baal-thamar Iud. 20. v. 33. Filii Israël. . . tetenderunt arcum, in loco,
qui dicitur Baal-thamar; in bello contra Tribum Benjamin, quæ Levi-
tæ uxorem in stupro extinxerat.

31. 25. 67. 15.

Baaras vallis, aut locus in valle. Ioseph. 7. Belli c. 25. propè Machæ-
runtem eam describit, asseritque in ea radicem gigni, quæ flammæ assi-
milis; circa Vesperam, & tota nocte quasi jubar splendeat, fulguretque,
& quæ vim habeat malos spiritus ejiciendi ab obsessis; sed quæ difficil-
limè, nec sine periculo è terra erui possit.

33. 15. 29. 30.

Babylon, Chaldaicarum gentium caput, diu summam in toto Oriente
obtinuit claritatem, propter quam pars Assyriæ Babylonia appellata est
Plin. 6. c. 26. Hujus Reges etiam Assyriæ Reges, aut Chaldeæ ut pluri-
mùm dicuntur: inter quos Nemrod, de quo Genes. 10. v. 10. Fuit prin-
cipium regni ejus Babylon, & Arach, & Achad, & Chalanne in Terra
Sennaar. 4. Reg. 17. v. 24. Adduxit autem Rex Assyriorum de Babylone,
& de Cutha, & de Avah, & de Emath, & de Sepharvaïm (viros) & collocavit
eos in civitatibus Samariæ, pro filiis Israël. c. 24. v. 1. Nabuchodonosor Rex
Babylonis dicitur, cui Ioakim servus five tributarius factus est tribus annis: